

**PEMBERITAHUAN PERTANYAAN LISAN DEWAN RAKYAT
MESYUARAT KEDUA, PENGGAL KETIGA,
PARLIMEN KE EMPAT BELAS**

PERTANYAAN : BUKAN LISAN

DARIPADA : TUAN CHE ALIAS BIN HAMID [KEMAMAN]

SOALAN

Minta **MENTERI PERTANIAN DAN INDUSTRI MAKANAN** menyatakan statistik hidupan marin yang menjadi ancaman mikroplastik daripada sisa pembuangan plastik di lautan dari tahun 2017 hingga 2019 dan sejauh mana usaha yang diambil untuk membendung isu ini.

JAWAPAN

Yang di-Pertua,

1. Pencemaran mikroplastik merupakan penemuan baharu yang memberi kesan kepada hidupan marin dan manusia. Mikroplastik diklasifikasikan sebagai plastik bersaiz mikro dengan diameter berukuran <5 mm. Pencemaran mikroplastik berpunca daripada produk kosmetik dan farmaseutikal serta sisa plastik besar yang dibuang ke laut. Kajian menunjukkan mikroplastik tersebar secara meluas di permukaan lautan, perairan cetek, dasar laut dalam dan ditemui di dalam saluran pencernaan hidupan marin.

2. Berdasarkan kajian inventori yang telah dijalankan oleh Institut Penyelidikan Perikanan (FRI) dan Institut Pengajian Tinggi Awam (IPTA) yang bermula pada tahun 2019 dan kajian ini masih berjalan. Berdasarkan data awalan, didapati terdapat kes pencemaran mikroplastik dikesan pada beberapa spesis ikan marin di kawasan perairan Malaysia. Namun sehingga kini, tiada statistik yang

SOALAN NO : 113

direkodkan menunjukkan kematian berskala besar terhadap sumber perikanan yang disebabkan oleh *microplastic ingestion* dilaporkan.

3. Kementerian sentiasa memberikan kerjasama kepada Kementerian/ Jabatan/ Agensi yang berkaitan dalam usaha untuk mengurangkan pencemaran mikroplastik di perairan negara demi menjamin keselamatan bekalan sumber perikanan negara.

Sekian, terima kasih.